

詩話總龜



詩話總龜卷第二十

詠物門上



前集



王承之云太祖一夕玩月命學士盧多遜曰可以  
 作詩多遜曰請用何韻太祖曰用見字韻多  
 遜奏詩曰太液池邊月上時好風吹動萬年枝  
 誰家玉匣新開鑑放出清光此子見直方詩話  
 王文康公性質重厚嘗作詩曰棗花至小能成  
 實桑葉雖麤解吐絲堪笑牡丹如斗大不  
 成一事又空枝青箱雜記

方干詠擊甌詩曰白器敲來曲調成  
梳頭勻細自輕清  
隨風搖曳有餘韻  
測水淺深多汎聲  
春漏丁當相次發  
寒蟬計會一時鳴  
從今已得佳聲出  
衆樂無由更擅名

李正白江南人不仕號處士善嘲詠曲盡其妙詠  
刺蝟云行似針羶動卧若栗毬圓莫欺如此大誰敢便行拳嘗謁一貴公子不甚禮廳  
事有一格子屏風題其上曰道格何曾格言  
糊又不糊渾身總是眼還解識人無詠狗

蚤云與虱都來不較多  
撮挑筋斗太妻羅  
忽然管着一籃子  
有甚心情那何詠月云  
當塗塗塗見蕪湖  
湖湖見八月十五夜一似沒柄  
扇建師悔之子得誠罷管沿江水軍掌禁  
衛頗患拘束方宴客正白在坐食蠓得誠預  
正白曰請詠之正白曰蟬眼龜形脚似蛛  
未啣日正面向人趨  
如今釘在盤筵上  
得似江湖亂走  
無衆客皆笑詠  
粟子云倒排雙陸子  
稀插碧牙筍  
既似牯牛妳又如鈴馬  
堯鼓槌并鼉

箭直是有來由談苑

橄欖詩曰待得微甘回齒頰已輸崖蜜十分甜  
崖蜜事見鬼谷子曰照夜清螢也百花濃  
蜜也崖蜜櫻桃也贈舉子詩曰平生萬事足  
所欠惟一死事見梁史曰世祖宴東府詔跋  
陀羅至跋陀羅貌癯世祖戲曰摩訶衍不  
負遠來唯有一死應曰貧道客食陛下三十  
載恩德幸矣所欠者一死耳冷齋夜話

汝陽溪穆清叔因寒食縱步郊外會數年少

同飲於梨花下以香輪莫碾青青破留與愁人  
一醉眠各賦梨花詩清叔得愁字詩曰共飲  
梨花下梨花插滿頭清香來玉樹白蟻泛金  
甌粧靚青娥妬光凝粉蝶羞年年寒食夜吟  
繞不勝愁衆客閣筆雲齋廣錄

大庾嶺上有佛塔廟往來題詩多矣有婦人題  
云妾幼年侍父任英州司寇既代歸父以伏庾  
本有梅嶺之名而反無梅遂植三十株于道之  
右因題詩于壁今隨夫之任端溪復至此寺

前詩已污漫矣因再書之云英江今日掌刑  
回上得梅山不見梅輟俸買將三十本清香留  
與雪中開好事者因以夾道植梅矣倦遊錄  
劉昭禹聞蟬詩云一雨一番晴山林冷落青莫  
侵殘日噪正在異鄉聽孤館宿漳鋪扁舟離  
洞庭年年當此際那免髮凋零雅言襟載

李建樞詠月云昨夜圓非今夜圓却疑圓處減

婣娟一年十二度圓缺能得幾多時少年

杼情集

謝邈謝人惠琴材云風撼桐絲帶月明羽人乘

醉截秋聲七絃妙制饒仙品三尺良材稱道  
情池小未聞春浪泛岳低猶欠暮雲生何妨  
乞與元中術臨化無妨膝上橫謝僧寄拄杖  
云峭壁猿啼採處深一枝竒異出孤岑感師  
千里寄來意發我白雲歸去心窓外冷敲  
簷凍折溪邊閑點戲魚沉他年必藉相携  
力蹇步猶能返故林

劉希夷聞砧云秋天瑟瑟夜漫漫月白天清玉  
露寒始向松中縈素練閑來機上製齊

紈又落花云洛水城東桃李花飛來飛去落  
誰家洛陽女兒惜顏色行逢花落長嘆惜  
題御柳云花萼樓前初種時美人樓上逞腰  
肢如今拋擲長街裏露染如啼欲恨時

魯庶幾吉州人猿詩甚切云孤猿鎖檻歲年深  
放出城南百丈林綠水任從聯臂飲青山不用  
斷腸吟雅言雜載

李烈祖為徐溫養子年九歲詠燈詩云主人若  
也勤挑撥敢向樽前不盡心溫歎賞遂以不

常見遇之詩史

惜竹詩獨陳亞少卿最佳詩曰出檻亦不剪從

教長瘦叢年年到朱夏葉葉是清風古今詩話

李義山遊長安投宿旅店適會客因召與坐不

知為義山也酒酣客賦木蘭花詩眾皆誇示

義山後成詩曰洞庭波冷曉侵雲日日征帆

送遠人幾度木蘭舟上望不知船是此花身

坐客大驚詢之方知是義山古今詩話零陵誌

記載木蘭花詩是陸龜蒙所作

錢太初惜劍詩曰得自袁公手屠姦血未乾玉  
龍乘夜泣秋水帶霜寒願對英雄舞羞教  
婦女看太平無處用撫匣淚汎瀾盆池云一撮  
浮萍蓋蛙龜不知容得卧龍無古今詩話

呂文靖公守宦海陵西溪手植牡丹一本有詩刻  
石後范文正亦官此題云陽和不擇地海角亦  
逢春憶得上林色相看如故人後以二公有詩  
題者亦多而花大為人所愛重歲久繁茂覆  
地數丈每春花開數百朵為海陵奇觀同前

陳標詠葵花詩云能共牡丹爭幾許得人嫌處  
只緣多

咸陽郭氏富室也有蒼頭曰捧劍詠牡丹云一  
種芳菲出後庭却輸桃李得佳名誰能為向  
天公說從此移根近太清同前

白樂天初到杭州令訪牡丹會開元寺惠澄近  
自都下得之時花初開徐凝自富春來謂  
公先題牡丹云唯有數包紅幘在含芳只  
待舍人來同前

裴誠郎中與舉子溫岐為友好作歌曲周德華  
乃劉采香女子善歌楊柳詞有以溫裴歌詞  
令德華唱則音韻所陳為浮艷之美德華  
終不取二公恨焉所唱者七八篇乃近日名流  
之詞滕邁郎中云三條陌上拂金羈萬里  
橋邊映酒旗近日令人腸斷處不堪將向笛  
中吹賀知章秘監云碧玉粧成一樹高萬條  
垂下綠絲條不知細葉誰裁出二月春風是剪  
刀楊巨源員外云江邊楊柳麴塵絲立馬憑

君剪一枝惟有春風最應惜殷勤更向手中  
吹劉禹錫尚書云春江一曲柳千條二十年前舊  
板橋曾與美人橋上別恨無消息至今朝韓  
琮舍人云枝開纖腰柔閉眉春來無處不如  
絲灞陵原上多離別多少長條拂地垂又云  
梁苑隋堤事已空萬條猶舞舊春風那堪  
更想千年後誰見飛花入漢宮雲溪子曰有  
艷歌行非為桑間濮上之音也偕以雪月松  
竹襟詠楊柳作者雖多鮮見其妙杜牧之云



巫娥廟裡低含雨宋玉門前斜帶風滕郎  
中云陶令門前惹接籬亞夫營裏拂朱旗  
不言楊柳最佳古今詩話鑑誠錄載賀知章  
事不同謂韓琮詩乃韓渥詩  
幽薊數州自石晉賂戎後懷中華不已有使北  
者見燕京傳舍画墨鴉甚精傍題詩曰星稀  
月明夜皆欲向南飛古今詩話

僧居寧毗陵人妙工画草虫嘗見水墨草虫有  
長四五寸者題云居寧醉筆雖太失真然  
筆力遒勁可愛梅聖俞詩云草虫有纖

意醉筆得正熟同前

張文懿家有春江釣叟圖上有李煜漁父詞二  
首其一曰浪花有意千重雪桃花無言一  
隊春一壺酒一竿鱗世上如儂有幾人其二曰  
一棹春風一葉舟一輪蠶縷一輕鈎花滿渚酒  
滿甌萬頃波中得自由同前

相國于競善画牡丹幼年從學見牡丹盛開乃  
落筆傲之不浹旬奪真有人贈詩曰看時  
人出溢展處蝶爭來有全本折枝圖傳於世

白樂天以詩名與元微之同時號元白詩詞多見  
圖画如重屏圖自唐迄今傳焉乃樂天醉眠  
詩也詩曰放杯書案上枕臂火爐前老愛  
尋思睡慵便取次眠妻教卸烏帽婢與展青  
氈便是屏風樣何勞画古賢且詩之所以能画  
盡人情物態者非筆端有口未易到也詩家  
以畫為無聲詩誠哉是言 同前

德宗西幸有二馬一號神智驄一號如意騶進  
退緩急皆如其意因謂之功臣乘幸諸苑

馭者進瑞鞭因語近臣曰昔者西幸有二驄  
謂之二絕今得此鞭可謂三絕因吟韓翃詩  
曰鴛鴦赭白齒新齊晚日花間放碧蹄玉勒  
下回初噴沫金鞭欲下不成嘶古今詩話

狄煥字子炎唐相國梁公之後寄於南岳以  
林泉自適題柳云天南與天北北處影婆娑  
翠色折不盡離情生更多兩餘籠灞岸烟  
暝夾隋河自有佳名在秦松繼得麼雅言  
系述  
崔櫓慕杜牧之為詩尤能詠物如梅花云強

半瘦因前夜雪數枝愁向晚來天又曰初  
開已入雕梁畫未落先愁玉笛吹山鵲旦  
春兩吹巢冷半朶山花咽紫香又曰雲生  
柱礎降龍地露洗林巒放鶴天蓮花曰何人  
解把無塵袖盛取殘香盡日憐此頗形迹據  
蘇子瞻季伯時為柳仲遠作松石圖仲遠取杜  
子美松根胡僧憇寂寞龐眉皓首無住  
著偏袒右肩露雙腳葉裏松子僧前落  
之語復求伯時畫此四句目為憇寂圖子由

題云東坡自作蒼蒼石留取長松待伯時只有  
兩人嫌未足兼收前世杜陵詩百斛明珠

子瞻歸白道場何山遇大風雨因憇耘老溪亭命  
官奴秉燭捧硯寫風雨竹一枝題詩云更將掀  
舞勢把燭書風篠美人為破顏恰似腰肢嬌  
同前

劉仲幾錢飲東坡中觴聞笙簫聲杳杳在雲  
霄間抑揚往返粗中音節徐而察之則出  
於雙瓶水火相搏自然吟嘯食頃乃已坐客

驚歎請作瓶笙詩以記云狐松吟風細冷  
冷獨靈長繅女媧笙陋哉石鼎逢彌明蚯蚓  
竅作蒼蠅聲瓶中宮商自相賡昭文無虧  
亦無成東坡醉熟呼不醒但云作勞吾耳

鳴同前

湖口人李正臣蓄異石九峯玲瓏宛轉若窓櫺  
然予欲以百金置之與仇池石為偶方南遷  
未暇也名之曰壺中九華以詩識云我家岷  
蜀最高峯一作清溪雷轉失雷峯夢裡猶驚

翠掃空五嶺莫愁千嶂外九峯今在一壺中  
天池水落層層見一作石泉影落涓涓滴玉女窓  
明處處通念我仇池太孤絕百金歸買小玲  
瓏玉局遺文

器之喜談禪而倦遊山山中筍出戲語器之同  
去叅玉版和尚去來乃作此句云叢林真百  
丈法嗣有橫枝不怕石頭路來叅玉版師聊  
憑栢樹子與問籜龍兒瓦礫猶能說此君  
那不知同前

西南地温少雪余及壯年止一二年見之自退居  
天國谿堂山深氣嚴陰嶺叢薄無冬而不  
雪每一賞翫必命諸子賦詩為樂既而蹈  
襲剽略不免涉前人餘意因戲取聲色氣  
味富貴勢力數字離為八章止四句以代一日  
之譔且知余之好不在於世俗所爭而在於雪  
也仍效歐陽公體不以益玉鶴鷺為比不使皓  
白潔素等字聲石泉凍合竹無風夜色沉沉  
萬境空試向靜中閑側耳隔窓撩亂撲春

蟲色閑來披覽學王恭姑射群仙邂逅逢  
只為肌膚酷相似遠庭無處覓行踪氣半夜  
欺凌范叔袍更兼風力助威豪地爐火煖  
猶無奈怪得山村酒價高味兒童龜手握  
輕明漸碾槍旗入鼎烹擬欲為人修水記惠  
山泉冷釀泉清富天工呈瑞足人心平地俄  
聞一尺深此為豐年報消息滿田何止萬黃  
金貴海風吹浪去無邊倏忽凝為萬頃田五  
月京塵渴人肺不知價直幾多錢勢高下

斜橫薄又濃破窓疎戶苦相攻莫言造物  
渾無意好醜都來失舊容力萬石千鈞  
積累成未應忽此一毫輕寒松瘦竹本清  
勁昨夜分明聞折聲 玉局文

歐陽文忠守穎日因小雪會飲聚星堂賦詩約  
不得用玉月梨梅練絮白舞鵝鶴等事歐  
公篇畧云脫遺前言笑塵襟搜索萬象  
窺溟漠自後四十餘年莫有繼者元祐六  
年東坡在穎因禱雪於張龍公獲應遂復

舉前篇今未云汝南先賢有故事醉翁詩  
話誰能說當時號令君聽取白戰不許持  
寸鉄 王直方詩話

山谷有蕨芽已作小兒拳之句張閣云此忍人  
也時閣方為河內推官而通判言白繁最喜  
蔬食誦經故閣亦斷葷而有此語 同前  
荆公作相苑中有石榴一叢枝葉甚茂止發一  
花題詩云濃綠萬枝紅一點動人春色不  
須多 同前

荆公過東坡見案上有石研甚愛賞因曰  
當集句賦之唱曰巧匠斲山骨沉吟久之  
不能成因命駕去直方詩話

臘梅山谷初見之作二絕一云金萼銷春寒惱  
人香未展湏無桃李紅風味極不淺一云鮀  
董山麝臍色染薔薇露披拂不盈懷時  
有暗香度綠比臘梅盛於京師然交游間  
亦有不甚喜之者余嘗作解嘲云紛紛紅紫  
雖無韻映帶園林却要渠要或作見誰遺一

枝香最勝故應有客謂如何直方詩話

高致虛云東坡言過溫泉壁上見詩云直待  
衆生捨無垢我方清冷混常流問人云何遵  
作因作一絕云石龍有口口無根自在流泉誰吐  
吞若信衆生本無垢此泉何處覓寒温何遵  
緣此知名後來京師每有賓客必出數十篇  
讀者無不絕倒同前

詩話總龜卷第二十

前集

詩話總龜卷第二十一

前集

詠物門下

東坡橄欖詩云紛紛青子落紅鹽氣味森森苦  
且嚴待得微甘回齒頰已輸崖蜜十分甜范景  
仁言橄欖木高大難採以鹽擦木身則其實  
自落所以有落紅鹽之語南人誇橄欖河東  
人誇棗王直方詩話

李公擇種竹館中語同舍曰後人指此竹必云李  
文正所植劉貢父笑曰文正不獨繫筆亦知種



竹耶時有筆工李文正故云後貢父西省種竹  
東坡有詩云舊德終呼名字外後生誰續咲  
談餘謂此也又一本云爾後貢父種竹坡有  
詩云舊德言忘久新材得再培同前

亭亭思婦石下閣幾人代蕩子長不歸山椒久  
相待微雲蔭髮彩初月輝蛾黛秋兩疊苔  
衣春風舞蘿帶宛然姑射子矯首塵寰外  
陳迹遂無窮佳期從莫再說如魯秋氏妾結桑  
下愛玉質委泥沙悠悠復安在此賀方回作望夫

石詩也交游間無不愛者余謂田承君云此詩  
可以見方回得失其所得者斷磨之功所失  
者太粘着皮骨耳承君以為然同前

楊蟠字公濟為蓴菜詩云休說江東春水寒到  
來且覓鑑湖船鶴生嫩頂浮新紫龍脫香髯  
帶舊涎玉割鱸魚迎刃滑香炊稻飯落匙圓歸  
期不待秋風起漉酒調羹任我年時人以為讀  
其詩不必食蓴羹然後知其味余以為可以言  
詠物未可以語詩耳同前

陳君節字明信言鍊句不如鍊韻余以為若只  
覓好韻則失於首尾不相貫穿參寥云東  
坡在徐州日嘗為秦少游置酒少游飲罷擁一  
官妓從參寥書其裙帶云寄語巫山窈窕娘  
休將閑夢惱襄王禪心已作沾泥絮不逐春風  
上下狂同前

蹴踘惟柳三復能之丁晉公亦好焉晉公詩曰背粧  
花屈膝白打大廡斯進前行兩步踈後立多時  
古今詩話

郭希聲紙窓詩曰偏宜酥壁稱閑情白似溪雲  
薄似水不是野人嫌月色免教風弄讀書燈  
聞蛩詩曰愁殺離家未達人一聲一到枕前聞  
苦吟莫入朱門裏滿耳笙歌不聽君青瑣後集  
巴蜀三紀以來藝能之士精於書畫者衆矣沙門  
曇彘學李陽冰篆曇彘則神大師門人也道  
士張昭嗣效柳公權書昭嗣則傳直天師杜光  
庭門人也工部員外昭嘏倣韓擇八分書昭  
嘏亦光庭門人僧曉巒工張芝草書曉巒則歸

夢弟子皆超其本而差其肩獨黃少鑑筌邊  
鸞崔竹處士勝昌祐擬梁廣花草野人張道隱  
張藻松石道隱不事談論不與人交往不冠帶  
不拜跪人謂之操頭相國李昊為著名道隱常  
在綿竹山中李司議文才繼閣立本寫真書畫  
八人皆妙絕當代野人平生討莊老之書有暇則  
注好圖龍之真形興思忽至即畫百尺之狀縱意  
揮畫苟不稱意則塗抹之不啻千餘軀而已飄  
然雲陰雨氣似蜿蜒之勢擲筆撫掌以為怡逸

常以此為適意之作亦曾撰集龍證筆訣三  
卷傳於家丁未年彭州倅鄭昭請圖真龍於  
州城之西門太山府君之祠為民致雨於是與二道  
士數僕夫秉燭以畫使人搥鼓噴笛掌祠者頓足  
起舞其夕三更風雨大霽柰何一時之戲亦濟農  
事有蔣貽恭留題詩曰世人空解競丹青惟子  
通玄得墨靈應有鬼神看筆下豈無風雨  
助成形威疑噴浪歸滄海勢欲拿雲上杳冥靜  
閉綠堂深夜後曉來簾幕似聞腥野人開話

僧齊已松詩云雷電不敢伐靈勢靈萬端層依  
乾節死蛇入朽根蟠影浸僧禪濕風吹鶴夢寒  
尋常風雨夜疑有鬼神看小松云發地絕盈尺  
蟠根已有靈嚴霜百草死深院一株青後夜  
簫騷動空階蟋蟀聽誰於千載外吟倚老龍  
形續本事詩

白傳柳詩二首云青一樹傷心色會入幾人離恨  
中為近都門多送別長條折盡減春風又一樹春  
風萬萬枝嫩於金色軟於絲永豐西角荒園裡

盡日無人屬阿誰又顧雲詩云灞岸晴來送  
別頻相偎相倚不勝春自家飛絮猶無定爭  
把長條絆得人唐宋詩云羅隱作續本事詩

陰鏗石詩云天漢支機罷仙人捧膊餘零陵舊是

燕昆明本學魚還當穀城別自下解兵書前

羅鄴水詩云漾悠悠幾派分中浮短棹與鷗群

遙天帶雨淹芳草玉洞飄花下白雲靜稱一  
竿持處見急流孤館覺來聞隋家柳色還  
堪恨東入長淮日又曛鄭谷云竹院松廊分

數派晴空清碧亦逶迤落花相逐向何處幽  
露獨來無限時洗鉢老僧臨岸久釣魚閑客  
捲綸遲晚來一片連莎綠悔與滄浪有舊期  
韓喜云方圓不定性空柔東注滄溟早晚休  
高截碧塘長耿：遠飛青嶂更悠悠瀟湘月  
浸千年色夢澤燈含萬古愁別有嶺頭鳴  
咽處為君更作斷腸流同前

唐高相國崇文本荆門將校討劉闢有功授西  
川節度一日雪下諸從事吟賞有詩渤海鄙

言多呼人為髻兒此日筵上謂賓客曰某雖武  
夫亦有一詩乃口扎云崇文崇武不崇文提戈  
出塞號將軍那箇髻兒射落鴈白毛空裏亂  
紛：其詩着題皆類北齊教曹之比太尉駢  
即其曾孫也鎮蜀日以蠻蜒侵暴乃築羅城四  
十里朝廷雖加恩賞亦疑其固護或一日奏樂  
聞樂聲知有改移乃題風箏寄意曰夜靜絃  
聲響碧空宮商信任往來風依稀似曲繞堪聽  
又被風吹別調中旬日移鎮渚宮北夢瑣言

馮涓分符眉州不得之任跼踏於陳田之間羈愁  
六年徒步湖湘著懷秦賦有南冠梁川歌詩  
集皆傷蹭蹬也有蜀馳引其要云自古皆傳  
蜀道難爾何能過拔蛇山忽驚登得雞翁磧  
又恐礙着鹿頭關昂藏大步蠶叢國曲頸微  
伸高九尺卓女窺窓莫我知嚴仙據案何  
曾識題支機石云不隨俗物皆成土只待良  
時却補天若兩行云金魚化作池中物木履  
浮為天際船皆惜已之不遇也蜀城析骸之際幾

至殍殍因投甕米家活有詩云取水郎中何  
日了破柴負外幾時休早知蜀地區媿與乃訓如  
悔不長安大比丘即收足大坐也北夢瑣言

徐仲雅題合歡牡丹云平分造化雙包去拆破春

風兩面開湖湘故事

蔣維東字孟陽零陵人旅中書懷云未有一夜

夢不歸千里家落花云流水從將去春風解

送來零陵總記

東華觀在郡洲城下江岸俗謂之水北觀有松

偃亞數枝凡八面上有一枝中折搭在半樹間  
復生垂下掃壇遊人以手攀而撼之則千萬枝  
皆動霸國時天策府學士徐東野坐事謫  
居於郡見其魁異賞玩無已因為詩有序：  
略云搖一枝則萬枝動看一面則八面同白犬出  
其根青羊入其腹漢高祖琥珀枕盧真君茯  
苓人疑其孕也詩云半已化為石有靈通碧湘  
生逢堯雨露老值漢風霜月滴蟾心水龍遺  
胸骨香鹿於毫末後曾見幾興亡同前

裴說鷺鷥詩云却為分明極翻令所得遲雍

陶云立當青草人先見行近白蓮魚未知同前

鷓鴣色黑而頸長能沒水捕魚其疾如飛栖宿之  
處其下雖水深魚多未嘗犯諺云鷓鴣不打  
脚下塘杜荀鶴詩云深水有魚啣得出看來  
却是鷺鷥鷺鷥飢零陵總記

鸛鶴居人多養之五月五日去其舌尖則能語  
聲尤清越雖鸚鵡不能過也僧虛中有詩云  
菖蒲花不艷鸚鵡性多靈同前

相思樹其狀尤佳子圓而紅故老云昔有人北沒於  
邊其妻追思之泣於樹下而卒因號相思樹黃  
損鷓鴣詩云而今世上多離別莫向相思樹下  
啼蓋採其意也同前

柘樹多叢生幹踈而直葉豐而厚春蚕食之其  
絲似冷水繅之謂之冷水絲可以為琴絃蓋檠  
絲之類蔣密詠桑柘詩云綺羅因此木桃李  
謾同時同前

楊桐葉細冬青臨水生者尤茂居人遇寒食採

其葉染飯色青而有光食之資陽氣謂之楊  
桐飯道家所謂青餽飯鄭畋二十八宿詩云  
圓明青餽飯光潤碧霞漿謂此也同前

櫟樹多生岡阜之上大則偃亞小則聳岐踈曠而  
性直伐為薪鍛為炭其力倍於常木王正  
詩云未可輕樗櫟猶能濟雪霜同前

木蘭花枝葉俱踈花即裏白表紫或有四季  
開者生於深山者尤大可以為船陸龜蒙本  
蘭花詩云曾向木蘭船上過不知船是此花



身古今詩話載木蘭花詩全篇謂是李義山作

映山紅生於山坡欹側之地高不過五七尺花繁而紅輝映山林開時杜鵑始啼又名杜鵑花成幹詩云杜鵑花與鳥怨艷兩何賒疑是口中血滴成枝上花一聲寒食夜數朶野僧家謝豹出不出日遲三又斜並同前

羅漢條後洞有草蔓結如帶長丈餘附水而生相傳謂之羅漢條畢田詩云五百移栖絕洞深空留轍迹杳難尋綠綠條帶何人施

長到春來掛滿林  
湘中故事

舒王與薛處士棋賭梅花詩輸一首曰華髮尋

春始見梅一枝臨路雪培堆鳳城南北他年憶

杳難尋驛使來與俞秀老至報寧王假

寐秀老私跨王驢謁寶覺禪師有頃秀老

至王曰為士子敢盜跨吾驢秀老願自贖其罪

王曰罰松聲詩一首秀老立就詞極佳人忘

之余補曰萬壑搖蒼煙百灘度流水下有跨

驢人蕭々吹醉耳冷齋夜話

前輩花詩多用美女比狀如云若教解語應  
傾國任是無情也動人陳俗哉山谷醪醑詩  
曰露濕何郎試湯餅日烘首令炷爐香乃  
是以丈夫比之若出類而吾叔彭淵材作海棠  
詩又不然曰雨過溫泉浴妃子露濃湯餅試  
何郎尤工也

曾子宣夫人魏氏作虞美人草行云鴻門玉斗  
紛如雪十萬降兵夜流血咸陽宮殿三月紅  
霸業已隨烟燼滅剛強必死仁義王陰陵

失道非夭亡英雄本學萬人敵何用屑  
悲紅粧三軍散盡旌旗倒玉帳佳人坐中老香  
魂夜逐劍光飛青血化為原上草芳菲寂寞  
寄寒枝舊曲聞來似斂眉哀怨徘徊愁不語  
恰如初聽楚歌時滔々逝水流今古漢楚興亡  
兩丘土當時遺事久成空慷慨樽前為君舞

冷齋夜話

舒王在鍾山有道士來謁因典棋輒作教語曰彼  
亦不敢先此亦不敢先是以無所爭惟其無所

爭故能入於不死不生舒王曰此持碁隱語也

東坡詩曰客來茶罷渾無事盧橘楊梅尚帶酸張嘉甫曰盧橘何種果也曰枇杷是矣事見相如賦嘉甫曰盧橘夏熟黃柑橙榛枇杷然柿亭柰厚朴盧橘枇杷不應重用應劭注曰伊尹書曰箕山之東青鳥之所盧橘常夏熟不攄之而何也坡笑曰不欲尔

余遊儋耳見黎民出東坡別海北詩曰我本儋

耳民寄生西蜀州忽然跨海去譬如事遠遊平生生死夢三者無劣優知君不再見欲去且少留又登望海亭柱間有大字曰貪看白鳥橫秋浦不覺青林沒暮潮又謁姜唐佐見其母余問識蘇公乎曰然無柰好吟詩嘗杖而至有包燈薪紙公以手拭開書滿紙余索讀之醉墨歌傾曰張睢陽生猶罵賊嚼齒空斷顏平原死不忘君握拳透爪余在瓊州有長短句賦燈蛾曰蜜燭花光清夜

闌粉衣香翅遠團圓人皆忍假為真實蛾  
豈將燈作火看方嘆息為遮攔也知愛處實  
難拚忽然性命隨煙焰始覺從前被眼瞞  
老杜詩曰竹根稚子無人見沙上鳧雛傍母眠世  
不鮮稚子無人見何等語唐人食笋詩曰稚  
子脫錦綉駢頭玉香滑則稚子為笋明矣  
贊寧禪記曰竹根有鼠大如猫色類竹名竹豚  
亦名稚子余問韓子蒼子蒼曰笋為稚子老  
杜之意不用食笋詩亦可

老杜北征詩曰惟昔艱難初事與前世別不聞  
夏商衰中自誅褒姒意 明皇鑑夏商之  
敗畏天悔過賜妃子死也而劉禹錫馬嵬詩  
曰官軍誅佞幸天子捨妖姬群吏伏門屏貴  
人牽帝衣白樂天長恨歌曰六軍不發無  
奈何宛轉蛾眉馬前死乃官軍迫使殺妃子  
歌詠祿山叛逆耳孰謂劉白能詩哉北征詩  
識君臣大體可貴也

衡州花光仁老以墨為梅花魯直歎曰如嫩寒

春曉行孤山籬落間但欠香耳余賦長短句  
曰碧瓦籠晴香霧遠呵手西偏小駐聞啼鳥  
風度女牆吹語笑南枝破臘應開了道骨不  
凡江瘴曉春色通靈醫得花重小抱釀寒春  
香三聲画角光殘暖照又曰入骨風流國色透  
塵種性真香為誰風髮浣啼粧半樹水村春  
暗雪壓枝底籬落月高影動池塘高情數  
筆寄微茫小寢初開霧帳並冷齋夜話

詩話總龜卷第二十一

前集

詩話總龜卷第二十二

前集

宴遊門

李文正公言少保王仁裕與諸門生飲出一詩板掛  
於坐次曰二百二十四門生春風初長羽毛成擲金  
換到天邊桂鑿壁偷將榜上名何幸不才逢  
聖世偶將疎網罩群英衰翁漸老見孫小異  
日知誰略有情公知舉時年已老諸子皆亡唯有幼孫  
又與諸門生春日會飲于繁臺賦詩曰柳陰  
如霧絮成堆又引門生上吹臺淑景即隨風

雨去芳罇宜命管絃催謾誇列鼎鳴鍾貴  
寧免朝烏夜兔催爛醉也須詩一首不能空  
放馬頭回撫遺

寇萊公有妾曰舊桃公因會贈歌者以束綾舊  
桃作二詩呈公曰一曲清歌一束綾美人猶自意  
嫌輕不知織女螢窓下幾度拋梭織得成風  
勁衣單手屢呵幽窓軋度寒梭臘天日短  
不盈尺何似燕姬一曲歌公和曰將相功名終若  
何不堪急景似奔梭人間萬事何須問且向樽

前聽艷歌翰府名談

劉輝為金陵小倅攝府事一日邀郡僚泊賓客  
僅百人遊蔣山就太平僧舍開宴賦詩輝詩  
曰兩道翠陰迎騎合四圍清氣逼人來林端  
有路雲千級物外忘機酒一杯揚蟠詩曰猿  
驚鶴怨不知處行山有猿驚鶴怨二谷虎踞龍  
蟠空見山芳草路隨流水遠老僧心共白雲閑  
同前

施肩吾夜宴云蘭釵如畫買不眠玉爐夜起沉

香煙青娥一行十二仙欲笑不笑桃花燃碧窓  
弄嬌梳洗晚戶外不知銀漢轉被郎嗔罰琉  
璃琰酒入四肢紅玉軟鑑誠錄

桑門仲殊赴瀾州郡宴於北固樓太守命坐客

賦詩殊先成曰北固樓前一笛風碧雲飛盡建

康宮江南二月多芳草春在濛濛煙雨中豐齊廣錄

趙叔平退居睢陽歐陽永叔致政居穎叔平來

訪永叔時呂晦叔知穎開宴召二公永叔自為

作致語曰欲知盛席繼荀陳請看當筵主與

賓金馬玉堂三學士清風明月兩閑人紅芳

已過鶯猶轉清杏初嘗酒正醇好景難逢

良會少乘歡舉白莫辭頻倦遊錄

范鎮自給事中謫官數年方歸濟南城西有

張聰寺丞園亭甲於歷下張邀公飲于園中

因作詩云園林再到身猶健官職全拋夢

乍醒惟有南山與君眼相逢不改舊時青同前

郭人升平公主壻也盛會之士即席作詩公主自

惟中觀之李端中宴詩成有薰香荀令偏

憐小傳粉何郎不解愁之句衆皆稱妙或謂  
宿思端自願賦一篇一起曰請以起姓為韻遂  
有金埒銅山之句 出名馬金帛為贈古今詩話

正月十五日夜許三夜：行金吾巡禁察其寺觀  
及前後街巷會要盛造燈籠燒燈光明若  
晝山堂高百餘尺神龍已後復加嚴飾士女  
無不夜遊罕有居者車馬塞路有足不躡  
地被浮行數十步者王公之家皆數百騎行  
歌蘇味道詩曰火樹銀花合星橋鐵鎖開

暗塵隨馬去明月逐人來遊妓皆穠李行歌  
盡落梅金吾不禁夜玉漏莫相催郭利正詩  
曰九陌連燈影千門度日華傾城出馬騎匝  
路轉香車爛熳惟愁曉周遊不問家更聞  
清管發處：落梅花崔液曰今年春色勝  
常年此夜風光正可憐鳩鵲樓前新月滿  
鳳凰臺上寶燈燃玉漏銅壺且莫催鐵闌金  
鎖徹明開誰家見月能闌坐何處聞燈不看  
來神燈佛火百輪張削像圖容七寶粧影



裏惟聞金口悅空中疑散玉毫光公子王  
孫意氣驕不論相識也相邀最怜長袖風前  
嬾更賞新絃暗裏調星回漢轉月將微露  
洒煙飄燈漸稀猶惜路傍歌舞處踟躕相顧  
不能歸 雍洛靈異記

杭州辨才老師退居龍井不復出入子瞻往見  
之常出至風篁嶺左右驚曰公復過虎溪矣  
辨才笑曰杜子美不云乎與子成二老來往亦  
風流因作亭嶺上名過溪亦名二老紀詩

荆南高從晦字遵聖季興嫡子也久事戎間  
及至繼立頗叶衆望始則飾車服尚鮮華遠  
市駟駿廣招伶倫荆渚樂籍間多有梁園  
舊物季興先時建渚宮於府庭西北隅延袤  
十餘里亭榭鱗次艘艦翼張栽種異果名  
花脩竹從晦紹立尤加完葺每月夜花朝  
會賓客從晦明音律僻好彈胡琴有女  
妓數十皆善其事王仁裕使荆渚從晦出十  
妓彈胡琴仁裕有詩美之云紅粧齊抱紫

檀槽一抹朱絃四十條湘水凌波慚鼓瑟余  
樓明月罷吹簫寒敲白玉聲何婉暎逼  
黃鶯語自嬌丹禁舊臣來側耳骨清神  
爽似聞韶襟詠

天下大定錄載王仁裕兩篇一篇已載于此今  
錄所遺一篇云玉纖挑落冰聲散入秋空  
韻轉清三五指中勻塞鴈十三絃上轉春鶯  
譜從陶室偷將妙曲向秦樓寫得成無限  
細腰宮裡女就中偏愜楚王情

崔公佐牧名郡日宴賓僚有一客中履不完衣  
破肘見突筵而入崔喜其來令下牙籌引  
滿數觥神色自若飲妓駭其藍縷因大噱  
客獻詩曰破額幘頭衫也穿使君猶許對  
華筵今朝幸倚文章守遮莫青娥笑揭  
天崔令掩口無哈賢士郡閣雅談

杜棕司空牧澧陽宏辭李宣古數陪燕飲戲  
謔侮慢杜不能容使辱之長林公主出而抹  
之云尚書不念諸子學文待士如此郡得平

陽之奪遣易衣而赴中坐長林請為詩冀其彌縫也宣古詩云紅燈初上月輪高照見堂前萬朶桃感粟夜深拋耍令舞來按去使人勞杜公賞之後二子裔休儒休皆登第人謂之曰非其母賢不能成其子雲溪友誼

白樂天致仕時裴晉公夜宴諸致仕官樂天賦詩云九燭臺前十二姝主人留醉任歡娛飄飄舞袖雙飛蝶宛轉歌喉一索珠坐久欲醒還酩酊夜深臨去更踟躕南山賓客東山妓此

會人間曾有無古今詩話

裴令公守東洛夜宴半酣公索聯句元白有得色公為破題至楊侍郎曰昔日蘭亭無艷質此時金谷有高人白知不能加遽裂衣紙曰笙歌鼎沸勿作比冷淡生活元曰樂天可謂全其名也同前

李相國尉鎮淮南布素孫處士來謁李敦舊分待之殊禮將行祖送遊河橋下舟人回篙水濺近生飲妓李公大怒孫獻楊柳詞曰半額

鷲黃金縷衣玉搔頭  
鳳雙飛從教水濺  
羅裙濕知道巫山行雨歸  
舟子獲不罪又有  
李嶸獻相國詩云雞樹煙含瑞氣深  
鳳池波待玉山澄  
國人久倚東閣望擬築沙堤到  
廣陵後梁入相同前

雙井黃叔達字知命初自江南來與陳履常俱  
謁法雲禪師于城南夜歸過龍眠居士李  
伯時知命衣白衫騎驢緣道搖頭而歌  
履常負杖挾囊于後一市皆驚以為異人

伯時因畫為圖而邢敦夫為作歌曰長安城頭  
烏夜棲長安道上行人稀浮雲卷盡暮天  
碧但見明月流清輝君獨騎驢向何處頭上  
倒着白接籬長吟搔首望明月不學山翁  
醉似泥到得城中燈火鬧小兒拍手攔街笑  
道傍觀者那得知相逢疑是嵩山皓龍眠居  
士畫無比援毫弄筆長風起酒酣閉目望窮  
途紙上軒昂無乃似君不學長安游俠誇年  
少臂鷹扶彈章臺道君不能提携長劍

取靈武指揮猛士驅貔虎胡為腳踏梁宋塵  
終日飄飄無定所武陵桃花春欲暮白水青  
山起煙霧竹杖芒鞋歸去來頭巾任掛三花樹  
敦夫時年未二十五直方詩話

林迥與黃祕教同遊連江玉泉有詩曰泉山好翠  
微樵尹訟庭稀曉馬破雲去夜船乘月歸  
妓歌珠不斷人醉玉相依薄宦自拘者咄哉  
多少非青瑣集

蜀後主自裹小巾卿士皆同之宮妓多衣道服簪

蓮花冠每侍燕酣醉則容其同輩免冠  
鬢然其髻別為一家之美因施煙脂粉類  
蓮額號曰醉粧國人效之復作歌詞云

走只是尋花柳那邊走這邊走

莫厭金樽酒又嬖倖韓昭碩璠潘迎等為  
狎客競拱手搖頭令唐師入境逼其報而  
遊幸師至利州方知將士紛然曰且打抄手  
搖頭念周宣帝作歌曰自知身命促把燭夜  
行遊令宮女連臂踏脚而歌亦前歌之類

北夢  
瑣言

湖南馬氏作會春園開宴徐東野作詩有數  
聯為當時所補云珠璣影冷偏粘草蘭麝  
香濃却損花山色遠噴羅黛雨草稍春  
憂麝香風哀蘭寂寞含愁綠小杏妖嬈  
弄色紅傍搜水脉湘心滿遍竭泉根楚底通  
水滴殘青瘦石脂傾盡白雲空深浦送  
回芳草日急灘牽斷綠楊風藕梢逆入銀  
塘裏蘋迹潛來玉井中敗菊籬疎臨野  
渡落梅村遠隔江楓剪開淨澗分苗稼劃

破漣漪下釣筒湖湘故事

詩話總龜卷第二十三

前集

寓情門

曹修古立朝謬嘗見池上有一所似者作小  
詩曰荷葉草芙蓉圓青映嫩紅佳人南陌  
上翠蓋立春風青箱襟記

唐喜宗朝自內製袍千領賜塞外吏士神策  
將軍馬直於袍絮中得金鎖一枚詩一首云  
玉燭製袍夜金刀呵手裁鎖情寄千里鎖  
心終不開直貨鎖於市為人告其將并得詩

奏聞僖宗令馬直赴闕以宮人賜直為妻  
有情者為金鎖曲流於世翰府名談

蜀人皆呼營妓為校書韋南康鎮成都罷之  
故胡曾有詩贈薛濤曰萬里橋邊薛校書  
枇杷花下閉門居掃眉才子知多少管領  
春風總不如濤再為連帥所喜因事獲怒  
而遠之作五離詩以獻遂復喜焉一曰犬離家  
出入朱門四五年為知人性足人怜只因咬着  
親情脚不得紅絲毯上眠二曰魚離池一入

池中四五秋常將朱尾玩銀鈎近緣戲觸紅  
蓮折不得隨波自在遊三曰鸚鵡離籠慣向  
侯門養此身飛來飛去羽毛新近緣言語無  
方便不得籠中再喚人四曰竹離叢蒼鬱栽  
成五行常持堅節待秋霜近來春笋鑽塔  
破不得垂枝對畫堂五曰珠離掌一顆明珠內外  
通分明皎潔水晶宮近緣一點瑕相累不得朝

朝在掌中

鑑誠錄據言謂此五離詩是薛  
書記上元微之未知孰是

成都女郎張窈窕上任事者詩曰昨日買衣裳今



朝賣衣裳衣裳都賣盡羞見嫁時箱有賣  
愁應緩無時心轉傷故園胡虜隔何處是蚕  
桑亦可觀也 鑑誠錄

鄭還古博士東都閑居與柳將軍往還柳富有  
家姬鄭與笑語柳知不怪也鄭將入京柳餞  
之鄭贈姬詩曰冶艷出神仙歌聲襟管絃眼  
看白苧曲欲上碧雲天未擬生裴秀如何知鄭  
玄莫教金谷水橫過墜樓前柳見詩曰侯榮  
歸當為遣充賀禮及除國子博士柳遣姬入

京師至嘉祥驛而鄭已物故柳甚悼之

古今詩話

張祐客淮南幕中赴宴時杜紫微為走使座中  
有屬意處索骰子賭酒牧之微吟曰骰子巡：  
覆手拈無因得見玉纖：祐應聲曰但知報道金  
釵墜彷彿還應露指尖

封時鄉為湖州軍倅與同年李大諫詩酒唱酬  
以疾阻歡及愈有詩曰已負數條紅盡燭更辜  
隻蒂綉香毬白蘋洲上風烟好扶病湏拚到後  
籌後有離別難詞佛許衆生願心堅石也穿

今朝雖送別會却有明年一座無不悽愴襟志  
李翱尚書牧江淮郡日進士盧儲投卷來謁李  
禮待之置文卷几案問赴公字視事長女及  
筭見文尋繹數四謂小青曰此人必為狀頭李  
公聞之深異其語乃慕為壻來年果狀頭及  
第纔過殿試徑赴佳姻催粧詩曰昔年曾  
去玉京遊第一仙人許狀頭今日已成秦晉約  
早教鸞鳳下粧樓盧止官舍迎內子入庭花  
開乃題詩曰芍藥斬新栽當庭數朶開東

風與物束留待細君來 南郡新書

房千里初上第遊嶺徼有韋滂自海南邀趙  
氏十九夕而許為房妾房迫於遊從暫與趙  
別後寄詩曰鸞鳳分飛海樹秋忍聽鍾鼓越  
王樓只應霜月明君意緩撫瑤琴送我愁山  
遠莫教雙淚盡鴈來空寄八行函相知若返  
臨邛市画舸朱軒萬里遊 萬里橋也千里以情  
託焉到府訪之趙氏已適韋秀才矣許其房  
韋俱有布衣之舊不陳之則負房之言欲陳

之則傷韋之義作詩寄千里曰春風白馬紫  
絲韁正植蚕娘未採桑五夜有心隨暮雨百  
年無節抱秋霜重尋繡帶朱藤合却認羅  
裙碧草長為報西遊減離恨阮郎絕去嫁刘  
郎雲溪友議

薛宜僚會昌中為左庶子充新羅冊禮使青  
州泛海船舡阻惡風雨至登州却漂回淹泊青  
州郵傳一年節度使烏漢正九加待遇有席  
中飲妓東美者薛頗多情連帥置于驛中

薛發日祖筵嗚咽流涕東美亦然乃於席  
中留二詩曰經年郵驛許安棲銜命他鄉別  
恨迷今日海帆飄萬里不堪腸斷對含啼阿  
母桃芳方似錦王孫草長正如烟行雲行雨  
令薛夢惆悵歡情却一年薛到國未行冊  
禮旌節曉夕有聲旋染疾謂判官苗用白東  
美何頻在夢中手數日致卒苗攝大使行禮  
旅襯回青州東美乃請假至驛素服執奠哀  
號拊柩一慟而卒情緣相感頻為奇事

唐賢  
抒情

趙嘏頗有詩名不拘小節飲中贈歌者曰倚風  
無處避梁塵雅唱清歌日日新來值漢亭花  
欲盡一聲留得萬家春後因酒失悔過以詩上  
歙州守曰葉覆晴溪艷紅路橫秋色馬嘶  
風猶携一棹郡齋酒傾對青山憶謝公

敬相牧廬州有朝客留意飲妓祖送短亭妓車  
後至相贈之曰望斷蘇娘小小坡竹溼金鴈輾  
輕莎客鄉幸有凝情意何必臨樽始轉波前同  
大中年有江淮郡守名卽登樓縱飲見二遊女羅

衣飄目送久之因詠曰兩朵紅英直萬金教  
人不負看花心高樓日晚東風急吹落千家  
何處尋在省日宣宗顧問稱旨攝中卽將有  
詩曰宮娃引入玉為行金殿齊趨近御床不見  
聖明親顧問如何得攝漢中卽風神俊邁後  
擁節旄南部新書

李尚書擢罷歙州吳圓交代有佐酒錄事名  
媚川頗留意緣以納籍中妓韶光託于替人  
今存卹酒酣臨發洪飲不勝離情有詩曰經

年理郡少歡娛為習干戈間飲徒今日臨行  
更交割分明留取媚川珠吳峇曰曳履長裾  
日日歡湏言違德淚沈瀾韶光今已輸先手  
領取蠟珠掌內看同上

鄭詳縱情詩酒至廬江謁郡守留連吟醉因  
贈妓曰臺盤濶狹繞三尺似隔中當有阻艱  
若不騎龍與騎鳳樂營門是望夫山同上

江陵有士子遊于交廣間而愛姬為太守所取納  
於高麗坡底及歸寄詩曰惆悵高麗坡底

宅春光無復下山來守見詩遣還同上

白樂天任杭州刺史携妓還洛後却遣回錢塘  
刘禹錫有詩曰其柰錢塘蘇小小憶君淚點  
石榴裙同上

越水李主簿遊廣陵迨春未返其姬寄詩曰去  
時盟約與心違秋日離家春不歸應是維揚  
風景好恣情歡咲到芳菲峇曰偶到揚州梅  
別家親知留滯不因花塵侵宝鏡雖相待長  
短歸時不及瓜同上

會昌中張睽防戎有功勒留蕃徼十年妻侯氏  
綉錦迴文詩作龜形獻進曰睽離已是十秋  
強對鏡那堪重整妝聞鴈燈前修尺素見霜  
心痛裂衣裳開箱疊練先垂淚拂杵調砧  
更斷腸綉作龜文獻天子願教夫婿早還鄉  
崔左轄權牧江外郡祖席夜闌一營妓先辭歸  
崔與詩曰寒簷霽雨霏、候館蕭條燭盡  
微只有今宵同此宴翠娥佯醉欲先歸並南部新書  
朱滔括兵不擇土族悉令赴軍自閱于毬場

有士子進趨閑雅因問曰何業曰學詩有妻  
否曰有即令作寄內詩曰握筆題詩易荷戈  
征戍難慣從鴛鴦被暖怯向鴈門寒瘦盡寬  
衣帶啼多漬枕鴛試留青黛看回日画眉  
看又令代妻答曰蓬鬢削釵世所稀布裙猶  
是嫁時衣胡麻好種無人種正好歸時又不歸  
滔於之遺東帛遣婦古今詩話

韓晉公鎮浙西戎昱為郡刺史有郡妓美而善  
歌公召置籍中昱作詩以遺之且曰至彼令

歌必首唱是詞既至公持盃妓歌呈詞云  
好去春風湖上亭柳條藤蔓繫人情黃鶯  
久住渾相識欲去頻啼四五聲公曰使君於  
汝寄情耶對曰然贈百緜而遣之歸同前

韓翃少負才名隣居有姓李者每將倡妓柳  
氏至其居必邀韓同飲愈熟柳每窺所往來  
皆名人因乘暇語李曰韓秀才甚貧然所與  
遊者皆時賢是必不久用宜假借之李深然  
之其酒邀韓曰公當今名士柳當今名色名色

配名士不亦可乎遂命柳與韓懇辭李曰大  
丈夫相遇杯酒間一言道合尚相許以死一婦  
人何足辭夫子貧柳資數萬可以取濟長揖  
而去韓辭之柳曰此豪達者昨暮具言之矣  
俄就柳歸來歲成名淄青節度使侯希逸  
辟為從事韓以世方擾不敢以柳自隨置之都  
下期至而迓之三歲不果寄詩曰章臺柳章  
臺柳往日青今在否縱使長條似舊垂也  
應攀折他人手柳荅曰楊柳枝芳菲節可

恨年：贈離別一葉隨風忽報秋縱使君來  
豈堪折後為番將沙吒利所劫寵之專房翊  
隨希逸人覲見柳氏在輜輶中殆不勝情虞  
候許俊曰當為足下立致之乃衣縵胡佩雙鍵  
從一騎造沙吒之第伺其出排闥大呼曰將軍  
中惡召夫人僕侍辟易遂陞堂挾柳氏馳馬  
而至時沙吒利恩寵殊等翊惧禍訴于希逸  
希逸以事聞諸朝詔柳氏還翊異聞集

盧渥舍人應舉京師偶臨御溝見一紅葉上有

一絕云流水何太急深宮盡日閑殷勤謝紅  
葉好去到人間盧得之藏於中篋及宣宗  
有旨許宮人從人盧所獲宮人因覲紅葉而  
吁怨久之曰當時偶題不謂君得之古今詩話  
顧况在洛乘閑遊苑中水上得大桐葉有詩曰  
入深宮裏年：不見春聊題一片葉寄與有  
情人明日于上流亦題于葉泛之波中曰花落  
深宮鶯亦悲上陽宮女斷腸時帝城不禁  
東流水葉上題詩寄與誰十日餘有客尋



春花中又於葉上得詩以示况云一葉題詩  
出禁城誰人酬和獨含情自嗟不及波中葉  
蕩漾乘春取次行

開元中賜邊將軍士大纈衣製于宮中有軍  
士于短袍得詩曰沙場征戍客寒苦若為眠  
戰袍經手作知落那誰邊留意多添線含  
情更著綿今生已過也重結後生緣軍士以  
詩白帥：進呈明皇以詩遍示宮中曰作者  
勿隱不汝罪也有一宮人自言萬死明皇深憫

之遂以嫁得詩者謂之曰吾與汝結今生緣邊  
人感泣後祿山亂明皇幸蜀其人前後捍禦  
翰府名談

張又新郎中嘗為廣陵從事有歌妓常致情  
而終未果納二十年後妓猶在籍中張罷江南  
郡道由廣陵時李紳鎮淮南宴飲極歡張以  
指染酒書一絕于盤上相府命妓歌以侑張酒  
其詞曰雲雨分飛二十年當時求夢不曾眠  
今來頭白重相見還上襄王玳瑁筵酒罷令

妓侍張歸古今詩話

太和初有御史分務洛都有姬善歌時李逢吉  
留守欲一見既不可辭遂往焉李有姬四十餘  
輩皆出其下既入不復出作詩投李曰三山  
不見海沉之豈有仙蹤尚可尋青鳥去時雲  
路斷嫦娥歸處月宮深紗窓暗想空相憶  
書幌誰怜獨苦吟料得此時天上月只應偏  
照兩人心李但含笑曰大好詩古今詩話

陳太子舍人徐德言尚叔寶妹樂昌公主陳改

哀謂其妻曰國破必大權豪家倘情緣未  
斷尚冀相見乃破鏡各分其半約他日以正  
月望日賣於都市及陳亡其妻果為楊越公  
得之乃為詩曰鏡與人俱去鏡歸人不歸無  
復姮娥影空留明月輝樂昌得詩悲泣不  
已越公知之愴然召德言至還其妻因與德  
言樂昌餞別令樂昌為詩曰今日甚造次  
新官對舊官笑啼俱不敢方信作人難同前  
樂天姬樊素善歌小蠻善舞嘗為詩曰櫻

桃樊素口楊柳小蠻腰樊素年既長小蠻  
方豐艷因為楊柳詞曰一樹春風萬枝嫩  
于金色軟於絲同前

唐戎昱守零陵妓籍中有善歌者湘帥于  
公頓遽索之昱乃遣行比至今歌乃昱送  
妓詞也其詞曰寶鈿香蛾翡翠裙粧成掩  
泣欲行雲殷勤好向襄王道莫向瑤臺夢  
使君公曰大丈夫不能立功業為異代所稱  
豈可奪人愛姬為己之娛遂贈以帛送歸零陵

同前

李茂復為會府從事出逢一小青衣有色馬  
上目之作詩曰行盡疎林見小橋綠楊深處  
有紅蕉無端眼界無分別安置心頭不  
肯銷其內子甚妬晚年牧泗州有詩云落  
日西山近一竿世間恩愛極難拚近來不作  
顛狂事免被冤家惡眼看南部新書

謝郎中有女數歲能吟詠長嫁王元甫元甫  
調官京師送別云此去惟宜早還休教

重起望夫山君看湘水祠前竹豈是男兒  
淚染班青瑣集

玉溪論事云蜀尚書侯繼圖本儒士一日秋風  
四起方倚欄於大慈寺樓有大桐葉飄然  
而墜上有詩云拭翠斂雙蛾為鬱悶心中事  
榻管下庭除書作相思字此字不書石  
此字不書紙書向秋葉上願逐秋風起天  
下有心人盡解相思死天下負心人不識相  
思意有心與負心不知落何地侯貯小貼凡

詩五六年方卜任氏為婚嘗諷此事任氏曰此  
是妾書葉上詩爭得在君處曰向在大慈  
寺閣上倚欄得之任氏曰即知今日甥君非偶  
然也侯以今書枝之與葉上無異古今詩話

李適之在相位每送朝則遣賓客請崔誠詩  
曾不格林甫之害嘗為詩曰峯門長不閉親  
友恣相過年令將半百不樂復如何及罷相  
詩話總龜卷第二十三 宋蘇且詩前集問門

詩話總龜卷第二十三

漢班固集

五溪論事云

四處方倚

而

燕文

青園

長安

正

詩話總龜卷第二十四

前集

感事門上

高力士誣謫巫州山谷多薺而人不食感之因

作詩以寄意曰兩京作斤賣五溪無人採

夷夏雖有殊氣味都不改明皇樸錄

李適之在相位每退朝則邀賓客諧謔賦詩

曾不脩林甫之害嘗為詩曰朱門長不閉親

友恣相過年今將半百不樂復如何及罷相

又為詩曰避權仍罷相樂勝且啣盃借問門

前客今朝幾箇來及死非其罪時人寬之

明皇幸蜀回至劍門謂侍臣曰劍門天險自古及今敗亡相繼豈非在德不在險也因作詩曰劍閣橫空峻鑿輿出狩回翠屏千仞合丹障五丁開灌木縈旗轉仙雲拂馬來乘時方在德嗟爾勒銘才至德二年普安郡太守賈深勒于石 開元傳信記

明皇將幸蜀登花萼樓使樓前善水調者登樓而歌曰山川滿目淚沾衣富貴榮華得几

時不見而今汾水上惟有年：秋鴈飛顧侍者曰誰為此對曰宰相李嶠辭也明皇曰真才子不待曲終而去 明皇傳記

唐曲江開元天寶中嘗有殿宇因安史之亂遂

盡圮廢文宗覽杜甫詩云江頭宮殿鎖千

門細柳新蒲為誰綠因建紫雲樓落霞亭

歲時賜宴及于兩岸建亭館焉春明退朝錄

劉洞嘗以詩百餘首獻李煜首篇乃石城懷古

云石城石岸頭一望恩悠：幾許六朝事不禁

江水流煜覽之捲卷改容金陵將危為七言  
詩大榜於路傍曰千里長江皆渡馬十年養士  
得何人又云翻憶潘鄉章奏內惜：日暮好  
沾巾蓋潘祐表云家國惜：如日將暮也江南野錄  
韓熙載高密人顯仕江南晚年奉貢入梁都絕  
知舊乃題于館壁云未到故鄉時將謂故鄉  
好及至親得歸爭如身不到目前相識無一  
人出入空傷我懷抱風雨簫：旅館秋歸來  
窻下和衣倒夢中忽到江南路尋得花中

歸舊處桃臉蛾眉笑出門爭向前頭擁將去  
又云僕本江北人今作江南客再去江北行舉  
目無相識金風吹我寒秋月為誰白不如歸  
去來江南有人憶江南野錄

後庭花亡陳之曲也杜牧之詩白煙籠寒水月  
籠沙夜泊秦淮近酒家商女不知亡國恨隔  
江猶唱後庭花故胡曾詩曰陳國机權未可  
涯如何後主恣驕奢不知即入宮前井猶自  
聽吹玉樹花

思越人亡吳之曲也胡曾詩曰吳王恃霸棄賢  
才貪向姑蘇醉綠醕不覺錢塘江上月一宵  
西送越兵來

柳枝歌亡隋之曲也胡曾詩曰萬里長江一旦開  
岸邊楊柳幾千栽錦帆未落干戈起惆悵  
龍舟去不回韓渥詩曰梁苑隋堤事已空萬  
條猶舞舊春風那堪更想千年後誰見楊  
花入漢宮古今詩話謂此詩是韓琮作又賀  
知章詩曰碧玉粧成一樹高萬條垂下綠絲

絲不知細葉誰裁出二月春風似剪刀羅隱  
詩曰裊々和煙映玉樓半垂橋上半垂流今  
年漸見枝條密惱亂春風卒未休李涉詩  
曰錦池江上柳垂橋風引蟬聲送寂寥不必  
如絲千萬縷只禁離恨兩三條鑑誠錄

天成初明宗召亡蜀舊宰臣王錯等賦蜀王  
降唐詩惟牛希濟為佳詩曰滿城文武欲  
朝天不覺隣師犯塞煙唐主再懸新日月  
蜀王還却舊山川非干將相扶持拙自是君



臣數盡年古往今來亦如此幾曾歡笑幾潛然

元微之劉夢得韋楚客會於樂天之居因論南朝興廢事各賦金陵懷古詩夢得方在郎省元公已居北門夢得騁其才略無遜意滿引一觴請為首唱一揮而成白公覽詩曰四人探驪吾子先得其珠其餘鱗甲將何為三公於是罷吟夢得詩曰王濬樓船下益州金陵王氣黯然收千尋鐵鎖沉江底一片降

旗出石頭荒苑至今生茂草古城依旧枕寒流如今四海歸朝日兩岸蕭蕭蘆荻秋並全前

杜荀鶴朱梁時作時世吟十首今錄其兩首云夫因兵亂守蓬茅麻苧裾衫鬢髮焦桑柘廢來猶納稅田園荒盡尚徵苗時挑野菜和根煮旋斫山柴帶葉燒任是深山更深處也應無計避征徭八十衰翁住破村中牢落不堪論因供寨木無桑柘為點鄉兵絕子孫還

似平寧催賦稅未曾州縣畧安存至今雞犬  
皆星數日落西山哭倚門 同前

內侍張維常為鎮戎軍鈴轄因題詩于廳事曰  
夜聞磧外鈴聲苦曉聽城頭角調哀不是  
感恩心似鐵誰人肯向此中來維常能讀書  
有識好談論知治休中間入內都知領郡談苑  
翠微寺在驢山絕頂舊驪宮也唐太宗避暑於  
此後寺亦廢有遊人題云翠微寺本翠微宮  
樓閣亭臺幾十重天子不來僧亦去樵夫時

倒一株松全前

鍾謨建安人為李璟奏表稱臣于周孫晟遇害  
獨赦謨為輝州司馬有詩與州將云翩：歸  
盡塞垣鴻隱：寒間蟄戶蟲渭北離愁春色  
裏江南家事戰塵中還全逐客紉蘭佩誰  
聽縲囚奏玉風多謝賢侯振吾道免令搔  
首泣途窮後盡江為界世宗召謨為衛尉  
卿放還國因作詩獻其畧云三年耀武群雄  
伏一日回鸞萬國春南北通歡永無事謝恩

歸去老陪臣世宗覽而悅之談苑

元厚之昔隨侍在荆南從學於龍安寺僧舍  
後三十年以龍圖閣帥荊州昔之老僧猶在  
一日訪舊齊而門徑池臺如昔悵感久之因  
勅巨堂榜曰碧落題詩于堂曰九重侍從三  
明主四紀乾坤一老臣未幾召還翰林叅熙寧  
大政真可謂乾坤老臣也古今詩話

王播少遊揚州惠照寺木蘭院隨僧飯僧頗厭  
之後二紀出鎮廣陵因訪舊遊向書字已為

碧紗籠矣題二詩曰二十年前此院遊木蘭  
初發院初修而今再到經行處樹老無花僧  
白頭上堂已了各西東慚媿闍黎飯後鍾二  
十年來塵撲面而今始得碧紗籠古今詩話北  
夢瑣信載後篇段文昌題江陵佛寺

李翱尚書於潭州席上有舞柘枝者顏色慘  
沮侍御殷堯藩即席贈詩曰始蘇太守青  
娥女流落長沙舞柘枝滿座繡衣皆可識  
可憐紅臉淚雙垂因問之乃蘇州韋中丞愛

姬所生女也因相為之吁歎即命更其舞衣于  
賓榻中擇士嫁之舒元興侍郎問之贈李公  
詩曰湘江舞罷忽生悲便脫蠻靴出絳幃誰  
是蔡邕琴酒客魏公懷舊嫁文姬古今詩話  
杜甫開元中流竄秦越有秦中詩三十首其首  
叙曰有弟皆羈旅無家問死生寄書多不  
達况乃未休兵後沒衡州來陽縣杜牧之嘗  
覽其集有詩曰杜詩韓筆愁來讀似倩麻  
姑痒處搔天外鳳凰誰得髓無人解合續絃

膠羅隱題杜甫集曰楚水悠悠浸未亭楚南天  
地兩無情  
戀教孫武重泉下不見時人說用  
兵南部新書

詩云昔日青樓對歌舞今日黃埃聚荆棘山川  
滿目淚沾衣富貴榮華能幾時不見只今汾  
水上惟有年、秋鴈飛李嶠作也明皇深賞之  
當時未有太白子美故嶠輩得稱雄尔意其  
遭罹世故不得不尔兩中聞鈴且猶涕下嶠  
詩可不如撼鈴也以此論工拙殆未可也

李士元嘗為僧有登單于臺詩云悔上層樓  
望翻成極目愁路沿葱嶺去河背玉關流馬  
散眠沙磧兵閑倚戍樓殘陽三會角吹白  
旅人頭登華閣詩云亂後獨來登大閣凭欄  
舉目盡傷心長堤過雨行人少廢苑經秋草  
自深破落侯家通永巷蕭條宮樹接疎林  
總翰釋氏青蓮館依舊重布地金雅言樓  
張祐素藉詩名凡知己者皆當世英儒故杜牧  
之云誰人得似張公子千首詩輕萬戶侯張

祐有華清宮詩為世所稱云龍虎旌旗雨  
露飄鳳池歌斷玉山遙明皇上馬太真去紅  
杏滿園香自銷郡閣雅談

李朱崖平泉莊佳景可愛洛中士人吃於汪遵  
遵有詩曰平泉風景好高眠水色風光滿目  
前剛欲平他不平事至今惆悵滿南邊汪  
過楊相宅有詩云倚伏從來事不遙無何  
平地起青霄纔到青霄却平地門對右槐  
空寂寥唐賢抒情

陳喬張俄重陽日登高于北山湖亭不奏穀樂  
因吟杜工部九日宴藍田崔氏莊詩其末句云  
明年此會知誰在醉把茱萸仔細看員外郎  
趙宣父時亦在集感慨流涕者數四舉生異  
之未幾趙卒南唐近事

僖宗幸蜀有北省官忘其名避地江左元昆扈蹕  
在蜀回寄詩曰涉江今日恨偏多援筆長吁  
欲奈何僥使淚流西去得便應添作錦江波後  
有朝士同在外地覩野花追思京師舊遊云曾

過街西看牡丹牡丹纔謝便心闌如今爰作村  
園眼古子花開也喜歡襟誌

錢思公謫漢東作一曲曰城上風光鶯語亂城下  
煙波春拍岸綠楊芳草幾時休淚眼愁腸元  
已斷年華漸爰成衰晚鶯鑑朱顏驚暗換昔  
年多病厭芳樽今日芳樽唯恐淺每歌之  
酒闌則泪下時後闌尚有一白髮姬乃鄧王俶  
歌鬟驚鴻也曰吾憶先王挽鐸中歌此聲相公  
其亡乎果斃於隨鄧王舊曲曰帝鄉煙雨鎖

春愁故國山川空淚眼頻相類 湘山野錄

胡汾不知何許人嘗隱廬山桑落洲一篇曰莫問  
桑田事但看桑落洲數家新任處昔日大江  
流古岸推將盡平沙長未休想應百年後人  
世更悠、有詩云輪中別有物光外更無空據言  
元和十三年進士陳標獻諸仙輩詩曰春官南院  
院墻東晚色初明月色紅文字一千重馬  
權喜歡三十二人同眼看魚變辭凡水心逐  
鷺飛出端風莫恠雲泥從此別總曾惆悵

去年中據言

余昔在錢塘一日晝寢寶山僧房起題其壁云  
七尺頑軀走世塵十圍便腹貯天真此中空洞  
渾無物何止容君數百人其後有數小子之  
題名壁上見者乃謂余誚之也周伯仁所謂君  
者乃王茂宏之流豈此等輩哉吾嘗作太白  
真贊云生平不識高將軍手污吾足乃敢  
嗔吾今復此者欲使後之小人少知其揆也

僕在徐州王子立子敏皆館於官舍而蜀人張  
師厚來過二王方年少吹洞簫飲酒杏花  
下明年予謫黃州對月獨飲嘗有詩云春  
年花落在徐州對月酣歌美清夜今日黃  
州見花發小院閉門風露下蓋記與二王飲時  
也張師厚久已死今年子立復為古人哀哉前  
子素不解碁因獨遊廬山白鶴觀中人皆闔戶  
晝寢獨聞碁聲於古松流水之間意欣然  
喜之自尔歆學然終不解也兒子過乃粗能

者僂守張中從之戲予亦偶坐竟日不以為  
厭也詩曰五老峯前白鶴遺址長松映庭風  
日清美我時獨遊不逢一士誰為碁者戶外  
屨二不聞人聲時聞落子紋秤生對誰究此  
味空釣意釣豈在魴鯉小兒近道剝啄信指  
勝固欣狀敗亦可喜優哉游哉聊以卒歲全前



詩話總龜卷第二十五

感事門下

前集

西蜀王者數年前見之甚貧今見之亦貧所異  
於昔者蒼顏華髮耳女無美惡富者妍士  
無賢不肖貧者鄙使其逢時遇合豈減當  
世之士哉頃宿長安驛聞泣者甚怨問之乃  
若惡而貧者乃作一詩今亦贈楊君云孤村  
漸雨遂秋涼逆旅愁人怨夜長不寢相看  
唯攆馬愁吟玄峇有寒漿天寒滯穗猶橫

畝歲晚空機尚倚墻勸爾一杯聊復睡人  
間貧富海茫茫

玉局文

余十八年前中秋與子由觀月彭城作一詩以陽  
關歌之今復過此夜宿於贛上方南北嶺表  
獨歌此曲聊復書之以識一時之事雖未覺有  
今夕之悲但懸知為他日之喜也行歌野哭雨  
堪悲遠火低星漸向微病眼不眠非守歲鄉  
音無伴苦思歸重衾脚冷知霜重新沐頭  
輕感髮禿多謝殘燈不嫌客孤舟一夜苦

相依

玉局文

贊皇公再貶朱崖道中有詩云十年紫殿掌洪  
鈞出入三朝一品身文帝寵深陪雉尾武皇恩  
重宴龍津黑山永破和親慮烏嶺金坑扈  
從臣自是切高臨盡處禍來名減不由人又  
登朱崖郡城云獨上高樓望帝京烏鳥飛  
猶是半年程青山似欲留人住百匝千遭遠  
郡城世傳贊皇公崖州詩皆仇人所作只此  
二首是耳

古今詩話

杜牧之綽有詩名縱情雅逸累分守分名郡  
罷任於金陵艤舟聞倡樓歌聲有詩曰煙  
籠寒水月籠沙夜泊秦淮寄酒家倡女不  
知亡國恨隔江猶唱後庭花風雅偏綴不可  
勝紀與杜甫齊名時人呼為大杜小杜

唐賢

明皇友弟古無有者嘗以書賜弟憲等魏文  
帝詩曰西山一何高高高殊無極上有兩仙  
童不飲亦不食賜我一丸葉光輝有五色  
服之四五日身軀生羽翼朕每言服藥而生

羽翼寧如兄弟天生之羽翼乎陳思王之  
才足以經國絕其清謁辛使憂死魏作未終  
司馬氏奪之豈神丸効耶

雍洛靈異記

唐元和中士人下第多為詩刺試官獨章孝  
標作歸燕詩猷庾承宣侍郎曰舊壘危巢  
泥已落今年故向社前歸連雲大夏無棲處  
更傍誰家門戶飛全無譏刺意歐陽澥  
澥作燕詩猷鄭愚侍郎云翩：飛燕画  
堂開送古迎今幾萬回長向春秋社前

後為誰歸去為誰來 古今詩話

盧氏子垂拱中不中第步出都門其日寒甚投宿旅舍一客續至附火吟曰學織絲綾功未多謾臨機杼錯拋梭莫教宮錦行音杭家見把似文章笑殺他盧憶前詩乃白尚書者因問其姓氏曰姓李氏世業織綾前屬宮錦坊近以薄藝投本行皆云如今花樣與前不同不謂技倆兒以文未求售不重於世如此古今詩話

元稹奉使東川於褒城題黃明府詩序曰昔年曾於解縣飲酒余為錄事有客後至數犯酒令併飛數盃逃席而去醒後問其人曰前虞卿黃丞也爾後絕不復知所在元和四年三月奉使東川十六日至褒城驛有黃明府見迎問其前銜則曩日逃席者也因問坐隅山川則褒女所奔之城在其左諸葛所征之地在其右感今懷古作贈黃明府詩曰昔年曾痛飲黃令困飛觥席上嘗時走

馬前今日迎依稀迷姓字積漸識平生故友  
身皆遠他時眼暫明便邀連坐飲兼共摘  
船行酒思臨風亂霜觥拂地平不看深淺酌  
貪愴古今情迤邐七盤路坡陀數丈城花疑  
衰如笑校想武侯征一種埋幽石空閑千古  
情古今詩話

魏鑑侍郎知廣州子城一角忽顏一古埭有四  
大字云委於鬼土是魏字公感其事大築新  
之罷而君還仲簡待制代之未幾儂賦寇廣

州外城一擊而圯獨子城堅完民賴以生賊平朝  
廷以公有前知之備加諫議大夫再知五年二  
年公以築城之功自論久不報作感懷詩曰  
羸羸霜髮一衰翁蹤跡年來類斷蓬萬里  
遠歸雙闕下一身還在衆人中螭頭賜對恩  
雖厚雉蝶論功事已空淮上有山歸未得獨  
揮清淚洒春風又五年書事云雖云嶺外無  
霜雪何事秋來亦滿頭文潞公採其詩進  
呈加龍圖閣學士尹天府同前

南唐元宗割江之後金陵對岸即是敵境因  
廷都豫章每北望忽忽不樂有詩曰靈槎思  
浩蕩老鶴憶崆峒又廬山百花亭刊石云蒼  
苔迷古道紅葉亂朝霞皆佳句也同前

隋煬帝迷於聲色高昌薦浙人項昇進新宮  
圖覽之大悅即日召有司具材役夫經歲而成  
帑庫為之一空幸之喜謂左右曰使真仙遊  
其中亦當自迷也可目之曰迷樓每一幸即經  
月宮女無數後宮多不得進有侯夫人者有

美色忽自縊於棟下臂懸錦囊左右取進  
有自感詩三首其一曰庭絕玉輦迹芳草漸  
成窠隱々聞蕭鼓君恩何處多其二曰欲泣  
不成淚悲來翻強歌庭花方爛熳無計奈春  
何其三日春陰正無際獨步意如何不及閑  
花草翻承雨露多又云粧成多自恨夢好却  
成悲不及楊花意春來到處飛又遣意云  
秘洞扃仙卉雕房鎖玉人毛君真可戮不肯  
寫昭君煬帝見詩返復傷感視其屍已死

顏色尚爾厚禮葬之古今詩話

寧王憲宅左有賣餅人妻有色王欲之厚遺其夫取之寵嬖踰等閼歲因問云尚思餅漢否黥然不對因呼令見其妻泣眼泪下若不勝情時坐客十餘無不悽然王請客賦詩王維摩詰先成詩曰莫以今朝寵寧忘舊日思看花滿眼淚不共楚王言

東海北岩畔有大石龜俗云魯般所造夏則入海冬復止此山涯人有詩云石龜尚懷海我寧忘故鄉

劉虛白昔與裴令公同硯席及公主文虛白猶是舉子試襍文日簾前獻一絕云二十年  
前此夜中一般燈燭一般風不知歲月能多少  
猶著麻衣待至公

劉洞不知何許人江南國破後題池州一亭云千里

長江皆渡馬十年養士得何人

詩史江南野錄乃云勝於路傍不同故再出

余自夏歷秋毒熱七八日不哀炮灼理極意謂不復有清涼之時今日復淒風微雨遂御夾衣顧念茲歲屈指可盡彭澤云我今不為

樂知有來歲不此言真可為惕然也

直方詩話

僧可隆善詩高從誨閱其卷有觀碁局云萬般思後行一失廢前功從誨謂可隆曰吾師此詩必因事而得隆答曰某本姓慕容與桑維翰同學少負志氣多恐維翰維翰登第以至入相某猶任場屋頻年敗衄皆維翰所挫也因削髮為僧其句實感前事而露意焉從誨識鑒多此類也

大定錄

廖齊父爽直嘗為永州刺史齊後遊零陵於

民間見父題壁感而成詩曰下馬連聲扣竹門主人何事感遺恩回頭瀆向兒童道重見甘棠舊子孫

青瑣後集

杜牧大和三年佐吏部沈公傳帥幕在江西時好好年十三始以善歌來入樂籍中後一年公鎮軍城復置好好於宣城籍中後三歲為沈著作述師納之後三歲於洛陽城重覩好好感舊傷懷故題三十韻以贈之云爾為豫章姝十三才有餘翠茁鳳生尾丹臉蓮含



跌高閣倚天半晴江  
聯碧虛此地試尔唱特  
使華筵鋪主公顧四座  
始訝來踟躕吳娃引贊  
起低回映長裾雙鬟可  
高下才過青羅襦眇  
眇乍垂袖聲同雛鳳呼  
繁絃迸闋紐塞管裂  
寒蘆衆音不能逐裊裊  
穿雲衢主公再三嘆  
為言天下姝贈之天馬  
錦副以水精梳龍沙看  
秋浪明月遊東湖自此  
每相見三日以為踈玉  
質隨月滿艷態逐春舒  
絳唇漸輕巧雲步  
轉虛徐旌旆忽東不笙  
歌隨舳艫霜彫謝

稜樹沙暖向溪蒲  
身外任塵土樽前極歡  
娛飄然集仙客諷賦欺  
相如聘之碧瑤珮載  
以紫雲車洞戶水聲遠  
月高蟾影孤迹來  
未幾歲散盡高陽徒洛  
陽重相見焯焯為  
當鑪怪我苦何事少年  
垂白鬚朋遊今在  
否落魄更能無門館慟  
哭後水雲秋景初  
斜月掛衰柳涼風生坐  
隅洒盡滿襟淚短嘆  
聊一書

蜀王後倂係入秦至劍閣  
闕山水之美詩云不

緣朝闕云好此結茅廬時人笑之至咸陽  
又作曲子云盡是一場贏得與夫無怨入井  
者所校無多也北夢瑣言

廖圖在永州有江干感興詩云正悲世上事無限  
細看水中塵更多甚為識者所稱零陵總記  
種放在章聖朝累章乞歸賜買山銀百兩放  
少時有瀟湘感事詩曰離離江草與江花往  
事洲邊歎復嗟漢傳有才終去國楚臣無  
罪亦沉沙淒涼野浦寒飛鴈牢落汀祠晚

聚鷗無限清忠沉浪底滔々千頃屬漁家  
亦先兆也古今詩話

開元時樂工李龜年承頌遇於東都通遠里  
創堂甲於都下其後流落江南每為人歌則  
坐客掩泣罷酒杜子美嘗贈詩曰岐王宅裡  
尋常見崔九堂前數度聞正是江南好風景  
落花時節又逢君崔九即漢中令湜之弟也

明皇襟錄

明皇初自巴蜀回夜闌登勤政樓倚欄南望烟

月滿目因歌曰庭前琪樹已堪攀塞北征人  
尚未還蓋盧思道之詩也歌畢里中隱隱如  
有歌者謂力士曰得非梨園舊人乎遲明為  
我訪來翌日力士潛求於里中召至果梨園  
弟子也其夜復乘月登樓左右惟力士及妃侍  
者紅桃在焉遂命歌涼州涼州即貴妃所製  
親御玉笛為倚樓曲罷無不掩泣因廣其

曲傳於人間同前

明皇在南內賦之不樂每自吟太白傀儡詩曰刻

木牽絲作老翁雞皮鶴髮與真同須臾弄

罷渾無事還似人生一世中同前

東坡在黃州畫和淵明詩或云在惠州魯直在

黔南聞之作偈曰子瞻謫海南時宰欲殺  
之飽喫惠州飯細和淵明詩彭澤千載人  
東坡百世士出處雖不同氣味乃相似

鄒志完過永州淡山岩岩有訓狐凡賓客至  
則鳴志完將至而狐鳴僧出迎以訓狐為言  
志完作詩曰我入幽岩亦偶然初無消息與

入傳訓狐戲學仙伽客一夜飛鳴至老禪  
並冷齋夜話

詩話總龜卷第二十五

前集

詩話總龜卷第二十六

前集

寄贈明上

呂文穆公蒙正嘗與溫恭蕭仲舒及一友人忘  
其姓名讀書於洛陽龍門山誓不作狀元不  
仕及唱第文穆為狀頭溫已不意然尚中甲  
科其友人遂拂衣歸隱後文穆大用太宗問  
昔與誰友文穆即以歸隱者對遂以著作郎  
召不起故文穆罷相歸洛作詩贈之曰昔作  
儒生謁貢闈今提相印出黃扉九重鴛鴦醉

中別萬里煙霄達了歸隣叟盡重新白髮故人猶着舊麻衣洛陽謾說多才子自嘆遭逢似我稀故人蓋指歸隱者也青箱襟記

梁周翰太宗朝為官職真宗即位除知制誥柳開贈詩曰九重城闕新天子萬卷詩書老舍人古今詩話

五代末濠梁人南楚才遊陳頴間頴守欲其以子妻之楚材已娶薛氏以受頴守之恩遣人歸取琴畫之屬似無還意薛氏善書畫能

屬文自對鑑圖其形并作詩寄之曰欲下丹青筆先拈玉鑑端已驚顏寡莫漸覺鬢負凋殘汨眼描將易愁腸寫出難恐君渾忘却時展畫圖看楚材見之漸為與之偕老唐宋遺史

韋應物為蘇州太守嘗有詩贈米嘉榮曰吹得涼州意外散舊人惟有米嘉榮近來年少欺前輩好染髭鬚學後生又嘗赴本州司馬杜鴻漸宴醉宿驛亭醒見二佳人在側驚而

問之乃曰即中席上與司馬詩因令樂妓侍  
寢問記其詩否一妓強記乃誦之曰高髻雲  
鬟宮樣粧春風一曲杜韋娘司馬慣見渾闌  
閑事斷盡蘇州刺史腸

唐宋遺史

唐末士子崔郊姑有婢端麗郊竊愛之他日姑  
鬻婢於襄陽司空子頓得錢四十萬因寒食  
出遊婢見立於柳陰下郊因作詩隨以  
贈之曰公子王孫逐後塵綠珠垂淚  
滴羅巾侯門一入深如海從此蕭郎是

路人疾郊者錄詩以示

召郊執其手

曰詩公所作也四十萬小哉何不早言因  
以婢贈之

唐宋遺史

雷德遜有終父子二人並命為江南淮南漕王元  
之贈詩二首其一曰江南江北接王畿漕運帆  
樁去似飛父子有才同富國君王無事免宵  
衣屏除姦吏魂應喪養活疲民肉漸肥還有  
文場受恩客望塵懷抱倍依依其二曰當時  
豪氣壓朱雲老作皇家諫諍臣章疏罷

封無事日朝廷猶指直言 題詩野館光  
泉石講易秋堂動鬼神棘寺下僚叨末路  
齋心猶祝秉洪鈞元之嘗出德遜門下而德  
遜深於易酷於詩也 青箱襟記

樞密郡公堯謂余詩似樂天一日閱相籃書肆  
得馮瀛王詩集歸公與余語曰子詩似樂  
天又愛馮集將來拈取箇豁達李老 慶

曆中京師有人號豁達李老每好吟詩而詞多鄙  
俚以此戲之  
遂皆大笑熙寧中余辟定武帥幕公自鄆

附所作詩一軸并寄余詩曰流年真似隙中  
駒別後情懷懶更踈天上又頒新曆日床  
頭未答故人書殷勤羔鴈工曹檄狼藉盃  
盤上客魚好在仲宣家萬里從軍苦樂定何  
如 青箱襟記

李文正昉 呂正惠端 同踐文館後皆登台輔李  
贈呂詩曰憶昔僦居明德坊官資但是校  
書郎青衣共直昭文館白首同登政事堂  
佐國廟謨公已辰避賢榮路我猶妨主恩

至重何時報老眼相看淚兩行目前

向文簡敏中寇忠愍準二相同以太平興國五年

登第後文簡秉鈞忠愍以使相守長安文

簡作詩寄忠愍忠愍酬之曰玉殿登科四十年

當時僚友盡英賢歲寒唯有公兼我白首

猶持將相權唐宋遺文

劉昌言泉州人常侍陳洪進為幕客入朝為副

樞嘗作下第詩落句云唯有夜來蝴蝶夢

翩翩飛入刺相花後為商丘記室王元之贈

詩曰年來復落事堪嗟載筆商丘髮欲  
華酒好未陪紅杏宴詩狂多憶刺相花蓋  
為是也唐宋遺史

張乖崖公為布衣時與陳希夷善因夜話

謂希夷曰欲分先生華山一半住得無希夷

曰餘人不可先輩則可及旦相別希夷以宣

毫筆一枚白雲墨一劑蜀牋一角為贈公

曰會得先生意驅某入關處去曰珍重珍重

希夷送公回謂門弟子曰此人無情於物達



則為公卿不達則為帝王師公常感之後尹  
蜀過華陰寄希夷詩曰性愚不肯林泉住  
強要清時擬致君今日星馳劍南去迴頭慚  
愧華山雲同前

曹修司封守邵武以竹簟贈僧仁曉并惠小詩  
曰翠筠織簟寄禪齋  
午夜秋從枕底來  
若也此時人問道寒天捲却暑天開同前

孟賓于湖湘連上人少修儒學好詩有百篇  
名為金鰲集獻于李若虛侍郎因採集中

佳句可取者記之于書使賓于馳詣洛陽獻  
諸朝廷其譽藹然明年春與李昉同擢  
進士第後事李後主為潞陽令因抵法當  
死會昉迂翰林學士聞在縲紲以詩寄賓  
于曰初携書劍別湘潭金榜標名第十三  
昔日聲塵誼洛下近來詩價滿江南長為  
邑令情終屈縱處郎曹志未甘莫學馮唐  
便休去明君晚事未為慚後主見其詩而貸  
之復官未幾歸老連上號群峯叟吉守馬

致恭以詩送其末章云今日還家莫惆悵  
不同初上渡頭船

江南野錄雅言系述記吉守送賓于詩有全篇及賓于詩

李穎方干高弟也登第後干寄詩曰弟子也

攀桂先生猶卧雲 鑑誠錄

羅隱以諷刺之深久而不第劉贊贈之詩曰人

皆言子屈我獨以為非明主既難謁青山何

不歸年虛侵白鬢塵在汙麻衣自古逃名

者至今名豈微隱見之遂起歸歎之興作五

湖詩曰江東日暖花又開江東行客思悠哉

高陽酒徒半凋落終南山色空崔嵬聖代

也知無棄物候門未必用非才一船明月一

竿竹家在五湖歸去來 鑑誠錄

施肩吾贈邊將詩曰輕生奉國不為難戰苦身

多舊箭癡玉匣鎖龍鱗甲冷金鈴繫鶻

羽毛寒皂貂擁出花當背白馬騎來月

在鞍却恐犬戎臨虜塞柳營時把陣圖看

杜荀鶴苦於詩有贈僧句云安禪不必須山

水滅得心時火自鎖又云利門名路兩何憑

百歲風前短焰燈只恐為僧心  
不了是輸僧並目前

翁承贊唐末為諫議大夫使福州至劍浦  
縣見舊識僧亞齊贈詩云蕭蕭風雨建  
陽溪溪畔維舟見亞齊一軸新詩劍潭  
北十年舊識華山西吟魂昔向江村老空  
性元知世路迷應笑乘輶青瑣客此時無  
暇聽猿啼同前

唐陸希聲以雙鉤寫字法授僧詈光詈光

入長安為翰林供奉而希聲尚未達以詩寄  
詈光曰筆下龍蛇似有神天池雷雨變逡巡  
寄言昔日不龜手應念江湖泝滌人詈光  
感其言薦希聲後至宰相鑑誠錄

興國中潘若冲罷桂林經南岳留鶴一隻與  
廖融贈詩一章云峭格數年同野興一官  
終罷共舡歸稻梁少飼教長瘦羽翼無  
傷任遠飛側耳聽吟侵靜燭銜花作舞帶  
斜輝朝天萬里不將去留伴高人向釣磯若

冲到京授維揚通理臨行復有詩寄融曰  
曾經別墅駐行踪春浪和煙撼釣筒共步  
幽庭連石蘚寄眠靜榻帶松風秋來頻夢  
岳雲白別後應添鶴頂紅又泛汴舟隨汴水  
不堪南望思冲之後至維揚聞融與鶴相繼  
而亡若冲感而又為一絕云南岳僧來共嘆吁  
風亭月榭已荒蕪先生去世未十日留伴高  
岑鶴亦殂融卒未久潘有泉陵之命經隱  
居有詩哭云天喪我良知無言雙淚垂惟求

相見夢永絕寄來詩應有異人吊從茲雅

道哀春風古原上新冢草離：雅言襟載

杜羔妻劉氏善為詩羔累舉不第將至家妻

即先寄詩曰良人的的有奇才何事年：被  
放回如今妾面羞郎面即到來時近夜來羔見  
詩即時回去尋登第妻又寄詩云長安此  
去無多地鬱：葱佳氣浮良人得意正  
年少今夜醉眠何處樓南部新書

張介以命術遊公卿門寓居錢塘西湖上嘗自

京師南歸士大夫率為詩贈之呂許公王沂公  
時方執政亦皆有詩夏鄭公留守南京為  
詩繼二公曰上公詩筆千金重浦客歸裝一  
舸輕莫到青山更招隱且留明誓為蒼生  
鄭谷雪詩云亂飄僧舍茶煙濕密洒歌樓酒力  
微江上晚來堪畫處漁人披得一蓑歸有段贊  
善畫因採其詩為圖曲盡瀟湘之意持以贈  
谷為詩寄謝云贊善賢相後家藏名畫  
多留心於繪素得意在煙波屬興同吟詠功

成更琢磨愛余風兩句幽絕寫漁策古今詩話  
歐陽价攻傳神楊次公贈之詩曰國手曾煩寫幾  
回無人彷彿醉顏開青銅鑑裡尋常見不  
謂今從筆下來奉職劉秘亦贈詩曰筆妙  
今為第一人心期造化奪天真精神形骨從  
來一移入青縑推兩身古今詩話

詩話總龜卷第二十六

前集

詩話總龜卷第二十七

前集

寄贈門中

唐相鄭榮贈老僧詩曰日照西山雪老僧門未  
開凍瓶粘柱礎宿火隱爐灰童子病歸去  
鹿麕寒入来自云此詩可以衡稱重輕不偏  
也嘗有人問相國近有新詩否曰詩在灞橋  
風雪中驢子上此中安可得之古今詩話  
王定保唐光化三年李渥侍郎下及第吳子華  
侍郎齿為壻子華即世定保南遊湖湘無北

歸意吳假緇服自長安來明日訪其良人  
白於馬武稷王令引見定保於定林寺吳隔  
簾謂之曰先侍郎重先輩以名行俾妾侍  
箕箒侍郎沒慮先輩以妾改適是以不遠  
千里來明侍郎之志定保不勝慚赧致書武  
穆乞為壻吳確乎不校定保為盟畢世不  
婚矣吳歸吳中外家沈彬有詩贈定保云  
仙桂曾攀第一枝薄遊湘水阻佳期皋橋  
已失齊眉願蕭寺行逢落髮師廢苑露

寒蘭寂寞丹山雪斷鳳參差聞公已有平  
生約謝絕女蘿依兔絲定保後為馬不禮奔  
五羊依劉氏官至鄉郡閣雅談

賈島為普州司倉方干寄詩曰亂山重複疊  
何路見先生豈料多才者空垂不第名閑  
曹曾得醉薄俸亦勝耕莫問為詩苦年  
年芳草生 鑑試錄

稷山驛吏王金作吏五十六年稱有道術往來  
多贈篇什李義山有詩贈云過客不須詢

歲代唯書乙亥與時人

令狐約自湖州刺史拜翰林學士因夜召對坐  
從容語及文宗大稱之由是眷遇有加未幾拜  
相因郊禋侍祠還趙嘏贈詩云鸚在鄉雲水  
在壺代天才業共謀謨榮同伊陟傳朱戶  
秀比王商入畫圖昨夜星辰迴劍履前年風  
月落江湖自湘州拜相纔二年不知機務時多暇  
猶許詩家屬和無詩史

李贇皇頗開寒素之路及南遷或人贈詩曰八

百孤寒齊下淚一時南望李崖州詩史

徐鉉謫居舒州贈彭芮云賈生去國已三年短  
褐閑吟玩水邊終日野雲生砌下有時京信到  
門前無人與和授湘賦愧子來浮訪戴船醉  
裏新詩好歸去莫隨騷客賦林泉詩史

陳文惠堯佐退居鄭下張退傅知西京以姚黃

魏紫及酒惠文惠荅詩曰有花無酒頭慵奉  
有酒無花眼倦開正向西園念蕭索洛陽  
花酒一時來雲齋廣錄



餘杭洪浩熙寧間遊太學十年不歸父已年七十寄浩詩曰大學何蕃久不歸十年甘旨誤庭闈休辭客路三千遠須念人生七十稀腰下雖無蘇子印篋中幸有老萊衣歸期定約春前後免使高堂賦式微浩得詩翌日南歸因而歸者十有三人同前

梅聖俞試館閣止得賜進士出身改屯田員外郎依前國子監直講內相胡宿以聖俞不得館取贈之詩曰賦就甘泉客薦雄獨攀仙桂

句松風抽毫同預三英生換骨纔爭第一功  
瞥見靈鰲居水下恍聞仙犬大雲中姮娥  
應有於才意唯許詩人朝月宮時與陸詵  
張師中胡鑑同親試同前

張退傳與陳文惠同時秉政張既以帝傳致政有詩寄文惠曰赭案當年並命時蕪葭衰颯倚瓊枝皇恩乞與桑榆老鴻入高冥鳳在池倦遊錄

周世宗征淮南王師圍壽春翰林學士陶穀使

吳越學士惟王着而已李相時為主客郎中  
知制誥遂有北門之召遷屯田正郎丞相范  
質端明殿學士竇員儀俱作詩賀之曰翰苑  
重求李謫仙詞鋒穎利勝龍泉朝趨建禮  
霞烘日夜直承明月印天聖主重知緣國士  
相公多喜為同年青春才子金門貴蜀錦  
袍新奪日鮮此范詩也廐馬牽來噦噦嘶  
馬蹄隨步躡雲梯新銜錦帳連三字舊制  
星垣放五題視草健毫從席選受降恩詔

待公批仙才已在神仙地逢見劉晨為指迷此

竇員詩也古今詩話

諫議竇禹鈞有子五人俱登科禹鈞云歸儀  
儼已華顛馮瀛王贈之詩曰燕山竇員十郎教  
子有義方靈椿一株老丹桂五枝芳儀翰  
林學士禮部尚書儼翰林學士吏部尚書  
侃起居郎偁諫議大夫叅知政事偕左補闕  
時論榮之同前

馮當世秋試於鄉里主司堅欲黜落已而綴之

榜末時鄂倅南宮誠監試誠當拆封大不平  
力主之遂至魁選明年庭試第一除荆南倅  
誠遷長沙倅當世以詩賀誠曰常思鵬海隔  
飛翮曾得天風送羽翰思比丘山何以戴心同  
金石欲移難經年空歎青書絕千里長思送  
義寬每向江陵訪遺迹邑人猶指縣題看  
蓋江陵縣額誠所書也同前

王正白寄詩 谷曰五百首新詩絨題寄去時祇  
應夫子監金不要俗人知火鼠重燒毛耗水蚕乍

吐絲直須天上手裁作領頭披同前

蘇子美贈秘演大師詩曰垂頤孤坐若痴虎  
眼吻開合無光精演領額方厚瞻視徐緩  
常若睡演以濃墨塗去無字改為猶光精  
子美詬之演曰吾見活豈得無光精耶又云  
賣藥得錢只沽酒一飲數斗猶惺惺又抹去子  
美曰吾詩何人敢點竄演曰公之詩出則傳四  
海吾不能斷葷酒為浮圖罪人何堪更為公  
暴之也古今詩話

唐中丞南卓啓事崔棊因諫事出崔支江令卓  
松滋合矯翼翩翩無所拘東南嘗以詩贈副  
從事曰翱翔曾在王京天墮落江南地幾千  
從事不須輕縣宰滿身猶帶御爐煙古今詩話  
元微之為御史鞠獄梓撞時白樂天尚書在都  
下與名輩遊慈恩寺花下小酌作詩寄微  
之曰花時同醉破春愁醉把花枝當酒籌忽  
憶故人天際去計程今日到涼州元果至東  
城亦寄夢遊詩曰夢公兄弟曲江頭又向慈恩

寺裏遊驛吏喚人驅馬云忽驚身已在涼州  
千里神交若合符節朋友之道不其至歟同前  
張漬會昌中陳商狀元下及第翰林覆考落  
漬等八人趙渭南贈詩曰莫向春風訴酒盃  
謫仙真箇是仙才猶堪與世為祥瑞曾到蓬  
萊頂上來同前

開成中楊汝士以戶部侍郎檢校尚書鎮東川  
白樂天即其妹壻也時樂天以太子傅少分洛  
戲代內子賀兄嫂曰劉剛與婦共昇仙弄玉隨

夫亦上天何似沙歌領崔嫂碧油幢引向東  
川沙歌汝士小字又云金花銀梳鏡兄用畫  
羅裙任嫂裁嫁得黔婁為妹壻可能空寄  
蜀大來同前

元載末年納薛瑤英為姬以金絲帳却塵褥  
之以紅綃衣衣之無一兩載以瑤英體輕不勝  
重衣於異國求此服也惟賈至揚公南與載  
友善往往潛見其歌舞賈至贈詩曰舞怯  
銖衣重笑宜桃臉開方知漢武帝虛築避

風臺公南亦作歌曰雪面淡蛾天上女鳳簫  
寫翅欲飛去玉釵碧翠步無塵楚腰如束不

勝春古今詩話

高士揚夔嘗著冗書三卷馳名於士大夫間唐  
末下第優游江左鄭谷贈之詩曰散賦冗書  
高且竒不妨仍省百篇詩江湖休西東風淚  
十醇香於一桂枝同前

皇祐中館中詩筆惟石昌年最得唐人風格  
有僧携琴來訪贈以詩曰鄭衛堙俗耳正聲

追不回誰傳廣陵散  
斲盡嶧陽材古意為  
師復清風尋我來  
幽陰竹軒下重約月明  
開同前

何遜字仲言八歲能詩  
沈約嘗曰吾讀公詩一  
日三復猶不已故李義山詩曰寄言何遜休  
聯句瘦盡東陽姓沈人同前

南屏謙師妙於茶事  
自云得之於心應之於手  
非可以言傳學到者師偶於壽星院遠來  
謁茶語詩因以詩諭之曰瀉湯舊得茶三昧

覓句還窺詩一班  
清夜漫漫困搜攪齋腸  
那得許堅禎記詩

道人張無材善攝生  
梅昌言知蘇州無材未見  
之先與詩曰壺中一粒長生藥待與姑蘇大  
守分好為大言處之不疑無材年九十死語人  
少時將絕慾屏居山中十歲自以為不動及出  
見婦人美色乃復慙然又入山十餘年乃始寂  
定勸人飲食無用鹽煮餅淡食更有天然  
味無夢老病耳聾耳其他亦無他異貢父詩話

右舍人楊休屢拔鄉里魁薦然常屈春官氏蜀人謂牙校部士貢入京為網官蜀人以舍人頻魁諸彥行間多成名而已常空歸若網官然戲以目之景祐末厭點辱之數欲罷進取同輩若勉之又拔首薦明年第四人登第咸平元年放進士榜自狀元而下十人皆天府解時張文景以古文馳名第四人登第不厭衆望有詩曰驚天動地張文景只得南宮第四人前榜丁晉公亦第四人以詩贈文景曰若

校前來登第者文章聲價不相過續歸田錄

白樂天洛中高退十有餘年度日娛情惟詩與酒追遊唱和一輩名流著在文籍不復備載醉後寄裴晉公詩云斗數塵纓捋白鬚半酣扶起問司徒不知詔下懸車後醉倒狂歌有例無又云綠潑新醅酒紅泥小火爐晚來天欲雪能飲一杯無雅言雜載

元白交道臻至酬唱盈編微之為御史奉使往蜀路傍見山花吟寄樂天曰深紅山木艷彤

雲路遠無由掃寄君恰似牡丹如許大淺深  
看取石榴裙又曰向前已說深紅木更有輕  
紅說問君深葉淺花何所似薄粧愁坐碧  
羅裙白因南迂回過唐山層峯驛忽覩元  
題跡寄元詩曰與君前後多迂逐七度曾  
過此路隅笑問堦前老桐木這回歸去也來  
無後微之鎮浙東樂天牧杭州更迭唱和末  
句有云任添鎗脚作三人逸趣如此鎗脚事  
見國史唐賢抒情

李冠善吹中管元宗欲召對以淮甸多故未果  
李建勳贈詩曰韻如古澗長流水怨似秋枝  
欲斷蟬可惜人間容易聽新聲不到御樓  
前南唐追事

李約為兵部員外郎勉子也與主客員外郎張  
諗同官二人每單宋靜語達旦不寐故約贈  
韋况詩曰我有心中事不向韋郎說秋夜  
洛陽城明月照張八

黃覺善詩梅昌言出鎮并州贈詩曰五馬雍



容出鎮時都人爭看好風儀文章一代喧高  
價忠直三朝受聖知帳下軍容森劍戟門  
前行客擁旌旗雲籠古戍草穠暗雪滿長  
江白草哀出去暫開龍虎幕歸來須占鳳  
凰池髮門未有一莖白陶鑄蒼生固不遲梅  
雅自修飾容狀偉如得詩大悅貢父詩話

詩話總龜卷第二十七

前集

